

fficæ reformator et Abbas *Mellicensis* O. S. B. in *Austria* intra ann. 1420—24. ad tradendam in Coenobio suo Philosophiam, Theologiamque laudabiliter invitatur. Discimus hæc e *Mart. Kropffii Bibliotheca Mellic.* c. XI. a p. 166. ubi etiam *Codices Lecturam* nostram complexi memorantur. *Fol. 100. p. 2.* contra Necessitatem utriusque Speciei eucharisticæ fuscè differitur. Sed nempe multa humore corrupta evahuerunt, ut adeo præstet alter *Codex*. *Ambit Codicem Membrana* ingens *Literas Bonifacii P. M.* ad Episcopum *Patav.* ejus Vicarios, Praepositum Monasterii *S. Mariae in Nuenberga Claustrali* &c. continens, in quibus ad Altare sancti *Vdalrici* situm in Capella *Montis sanctæ Mariae in Obremis* constitui videtur *Andreas* quidam; multa enim præfecta pleniorém cognitionem prohibent.

DXXIX.

U. 584
—93

Codicum Series chartacea Sec. XV. f. partim *Collegio Ducali*, partim *Domui B. V. Mariae Rubæe Rosæ* legatorum a celebri Theologo nostro *Nicolao de Dunkelspühl* et maximam partem Eiusdem *Commentaria in Librum IV. Sententiarum, Ascetica, et Sermones* complexorum. Insunt tamen etiam quaedam ejusdem argumenti *Henrici de Hassia, Job. Gersonis, Job. de Grütz, Job. Nider, Henrici de Oyta, Rich. Armachani,* quin etiam *Caesarii Arelat. Bernhardi, Anselmi, Ri-*

chardi de S. Victore, Gregorii M. Augustini, quæ, quoniam aut typis vulgata præstant, aut a me jam pluribus *Codicibus* indicata sunt, eo magis hic per saturam lancem referre visum est, quod Exemplaria nec ab antiquitate, nec ab elegantia manus adeo se commendant.

DXXX.

Codex chartaceus lat. Sec. XV. U. 465

Folior. 287. f. per duas columnas scriptus, et rubricis enotatus complectitur *M. Pauli Wann* Commentaria scholastica in *Librum III. et IV. Sententiar. Petri Lombardi,* et initium quidem prius est: *Jam nunc hijs intelligendis Hic magister ponit probationum in tertium et quartum librorum sententiarum, in quo ostendit horum librorum materias subiectales &c.* Alterum *fol. 123. Samaritanus. Hic est quartus liber sententiarum qui ad precedentes libros continuatur sic, Nam postquam in precedentibus libris &c.* Clausula miniata est: *Finitus est quartus liber sententiarum per Magistrum Paulum Wann de Kemnat* (Palatinat. super. civitate) *legendo in scolis theologorum collegij Ducalis vienne anno 1454. in die sancte Elizabeth.* Memini alias Viri, qui et in Academiam nostram beneficis extitit, ut habes in *Löcheri Speculo* p. 310. et inter *Canonicos Passavienses* deinceps adlectus urbem illam adolescentiæ meæ institutricem sacris Sermonibus excoluit, quorum Editiones in *Mait-*

1223

I C O D I C E S I

1224

tairii *Annalib.* meoque *Subple-*
mento praesto sunt.

Codicem utrinque interne con-
vestiunt Membranae hebraicae
Fragmenta e *Levitico* de Sacrifi-
ciis ab elegante penna sine punctis
exhibentes; sed enim difficilem
accessum mucor facit.

DXXXI.

R. 3240 Codex membraneus lat. Sec.
XIV. Folior. 357. 8. minutissimo,
sed nitidissimo caractere per duas
columnas exaratus, coloribus illu-
stratus, et olim cum *Bibliothecae*
Civicae, tum *Collegii S. J. Vin-*
dobon. Commentarius est in *LL.*
IV. Sententiarum Petri Lombardi,
seu potius Opus easdem ma-
terias eodem ordine, sed aliter
pertractans, cujus Prooemium init:
Fides est substantia rerum speran-
darum argumentum non apparenti-
um. Sicut enim uera dilectione di-
ligitur deus propter se ipsum su-
per omnia. ita uera fide aquiesci-
tur prime ueritati super omnia pro-
pter se. &c. Autoris nomen a pri-
ma manu toto Codice non occur-
rit; sed ab alia *fol. ult. p. 2.* legi-
tur: *A fratre wilhelmo de Milito-*
na ordinis fratrum minorum Et
Magistro Theologie compilatum
opus 4^o librorum correspondenter
ad 4^o sententiarum libros qui do-
ctor allegatur in summa agstenfi
(l. Astensi, nempe F. Astexani)
de elemosina. Ibi uide libro 6^o (l.
quinto) titulo 26^o. Et bis quidem,
nempe Art. 5. et 8. Jam si Notae
huic fides, duo nova, ab aliis non-
dum observata haberemus Opera

Guilelmi de Middletown non Do-
minicani, ut quibusdam creditum,
sed Franciscani, de quo jam Vol.
I. P. 1. col. 320—22. mentio
fuit. Primum quidem praesentem
Tractatum Dogmaticum, dein Sum-
mam quandam Moralem; cum e-
nim ea, quae Sodalis ejus Astexa-
nus ex eo refert, in Tractatu
praesenti L. IV. ubi de Eleemo-
syna foll. 323—24. agit, non
habeantur; manifestum est, ea ex
alio Tractatu perinde nobis in-
cognito petita fuisse, nisi dicas,
illa latere in ejus Commentario in
Epistolam ad Rom. quem nunquam
vidi, quamvis Summistarum usus
non fuerit Commentatores Bibli-
cos compilare. Accedat igitur
Subplementum istud ad ea, quae
Waddingus, Quetifus, Caveus,
Fabricius (Tannerus enim Guilel-
lum penitus omisit) adnotauere,
Solus Oudinus, dum T. III. col.
217. e Thomasini Catal. Mss. Pa-
tavinor. inter Commentatores in
Libros Sententiar. Nostrum nume-
rat, haeret, an id de Subplemen-
to, quod in Alexandrum Halen-
sem condidit, an de proprio Com-
mentario intelligi debeat. Poste-
rius verum esse, Codex noster
demonstrat.

DXXXII.

U. 690
Codex membraneus lat. Sec.
XIV. Folior. 251. f. per duas
columnas minutius multis compen-
diis exaratus et coloribus distin-
ctus sequentia ad Theologiam scho-
lasticam pertinentia complectitur:
I. Commentaria in L. I. *Senten-*
tiar.